

Gyoengq Hagseng Mbwk Sai Ban Dou



Gangj daengz dou haj nienzgaep ngeih ban, gij saeh mizyinx caen lai. Neix lij aeu daj ban dou “sai” “mbwk” song daih “bangbaih” gangj hwnj……

Bangbaih “sai” miz sam daeg lwgsae, caen ndaej heuh guh “sam daih vunzcaiz”. Sam boux ndawde, boux he dwg Beiz Cilu, hwnjdangz cungj dwg raeujninz, couh lumj doenghduz hauej doeng le ninzdoeng nei(gij vah lauxsae), fazyenz seiz mbouj gyaec fazyenz, diemj de fazyenz le de gangj mbajmbadmbad, caen hawj vunz nyaenx mbouj ndaej riu. Lingh boux dwg Vangz Saugez, lienh ndaej ndang goengfou “cap bak” he, hwnjdangz seiz cungj dwg bak vaiq gvaq uk(gij vah lauxsae). Boux doeksat dwg Vangz Veijgangh, de caen dwg boux “saego” Vangz Saugez, gij goengfou “cap bak” de caen dwg lienh daengz ceiq vaiq lo, miz baez ndeu lauxsae naeuz fanghyangbanz yindung dwg baenqcieng, de dauq naeuz feihgih fanghyangbanz dwg bingz dwk doi; lauxsae naeuz song boux doxliz cien mij he gangj vah dingq mbouj nyi, de naeuz dwk dienhvah dingq ndaej nyi; lauxsae heuh dou sij fouqdoi, daeg neix gangj vah mbouj hwk dai vunz mbouj sat, gingqyienz dawz coenz sei riuzmingz ciuhlaux bien baenz “Ciuhvunz haemzhoj byawz mbouj dai, dai caeux dai ceiz cungj dwg dai”…… Byawz gamj venj cungj doiq neix?! Lauxsae raen yienghneix cijndei mbouj ok sing……

Doiq gyoengq doengzhag sai baklai, doiqbeij daeuj yawj, gyoengq doengzhag

mbwk engq cigciep di___Moix baez yawj mbouj gvaq da, hwnjbae couh din dik mbat he! Bang doengzhag “mbwk” miz “seiq daih dah gyaec”: Neix mbouj dwg gangj Sih Sih、Diuh Canz seiq dah gyaec ciuhlaux, dwg gangj Vangz Swjcingh Vangz Swjmingz song cejnuengx, Cwnz Yinggez caeueq Vangz Hauyij. Song cejnuengx haenx boux ndeu deng vunz hangz, couh heuh lingh boux itheij, song vunz doengzcae hwnjbae gienz dub ga dik, boux hwk de haenx couh ca mbouj geijlai lo. Cwnz Yinggez yienznaeuz ngamq daeuj ban dou, yawj hwnjdauej haemq dinghsienh, hoeng ga de gaeueq rengz, dik deng ndok ha, hawj mwngz inget buenq ngoenz. Vangz Hauyij youq “seiq daih dah gyaec” ndawde suenq dwg bouxdaeuz lo, lij dwg diyzuz vejyenz, de ak cingj vunz, banhfap gaeueq haenq ne! Byawz nyex hawj de mboujmiz banhfap le, de couh daej, daej hemq hwnj mbwn hwnj fwj bae, seizhaenx de couh lumjbaenz duzcwz duet ek he! Couh suenq dwg lauxsae hix lanz mbouj ndaej! Ndigah, “seiq daih dah gyaec” neix gizsaed dwg “seiq daih dah yak”!

Hoeng gyoengqde hix miz haujlai youhdenj, cizdij hozdung seiz hix doxgiet doxbang. Aenvih miz gyoengqde, gij hagdangz swnghhoz raeuz cij lai yiengh lai saek! Aenvih miz le “sai” “mbwk” song daih “bangbaih”, gij swnghhoz dou cij engqgya cingcaij!

(haj nienzgaep Yi Bozvwenz)

Gou Vih Swhgeij Dopfwngz

我为自己鼓掌

Ndaw ngoenznaengz swnghhoz ciengz miz cungj cingzgingj neix: Mwh raeuz saetbaih seiz, maqmuengh miz vunzcaen daeuj nai; mwh raeuz guh ndaej baenzgoeng seiz, youh maqmuengh gyoengq doengzdohi ndaeuj hemq ndei, hoeng gou saetmuengh lo. Caeuq haujlai doengzsab doxlumj, gou hix miz cungj ginglig neix gvaq, baenzneix, gou menhmenh hag rox le vih swhgeij dopfwngz. Cingj yawj——

Vih bae camgya Yinghyij doxdax, gou goemz gyauej boih danhszw, guh dapdae, cingzciik baez fat roengzdauej, gou lienz gij “ciengj vahnai” cungj mboujmiz. Doeknaiq gvaq le, gou gag nai swhgeij: Yienznaeuz mbouj ndaej ciengj, hoeng gou caenhrengz lo, gag gamjdaengz gou biujyienh mbouj loek, gou vih swhgeij dopfwngz!

Vih yiengq bohme h byaujmingz gou gaenq majhung lo, ngoenzsinghiz gou caegcaeg gag youq ndaw ranzdajcawj nyaengq baenz buenqgoenz, maqmuengh naengz cawj donq haeuxbyaek ndeigwn ndeu, hoeng dingq bohme h naeuz donq haeuxbyaek gou cawj neix ceiq nanz ndwnj lo. Gou mienh gwn gij haeux swhgeij cawj bueng ndipcug neix, mienh lwnh hawj swhgeij: Dwk raemx noix di lo, mboujgvaq ngamq dwg baez daih’ it cawj haeuxbyaek, guh daengz baenzneix gaenq mbouj loek lo, couh vih di neix, gou aeu vih swhgeij dopfwngz!

Youq gwnzdangz, mwh gou dap gij vwndiz lauxsae ndeindi, ndaejdaengz lauxsae haenh, yawj daengz lwgda gyoengq doengzhag haenh ndei caeueq hozhaenz seiz, gou engq vih swhgeij dopfwngz!

Mwh gou cingsim “dajcauh” cozvwnz deng lauxsae dangguh fanvwnz youq ndaw ban daeuj baijok seiz, gij vuenheij ndawsim couh lumj raemxlangh ityiengh fub hwnj fub roengz, gou engq nyaenx mbouj ndaej heiq vih swhgeij dopfwngz!



Baez doek baez ndaej baenzgoeng, baez doek baez saetbaih, baez doek baez vih swhgeij dopfwngz, baez doek baez vih swhgeij gayouz. Gwnz diuzroen sengmaj bu rim le saetbaih caeueq haemzhoj, dangyienz dingzlai dwg guh ndaej baenzgoeng, gou aeu mboujduenh cungj-gez gij gingniemh saetbaih, caux ok engq lai gihvei guh ndaej baenzgoeng!

(seiq nienzgaep Du Yalungz)



Saehaexma Giengiengz

坚强的蜗牛

Seizcin daeuj daengz lo, gak cungj vadoengh hix haihoengh lo, mbangj henjrwg, mbangj ndingfwg, mbangj lamzyau……Faexhung did ngazoiq, lienz duz saehaexma ninzdoeng hix ndiusingj lo. Bya iq youq ndaw mieng con bae con dauq, daihdeih cungmuenx senggei.

Saehaexma ietnonx aen ndang, doeng yawj sae ngonz, lumjbaenz cingq ra gijmaz nei. Sawqmwh, de

raen go makit ndeu, doq myaiz rwi myaiz raengh lo, hoeng aenvih gomakit sang lai, de cijnaengz youq lajgoek muengh ndwi. Hoeng, de youh lingzsingj gvaqdauej, gag gangj gag nam naeuz: “Gou ndaej raih hwnjbae ya, yienznaeuz raih menh di, hoeng mwh gou raih daengz gwnz seiz, makit gaenq nding lo.” Gangj guh couh guh, saehaexma hainduj raih hwnjbae lo. Duz roegfaenbyaek gwnz faex doiq doengzdohi naeuz: “Yawj, gizhaenx miz duz saehaexma huk ndeu,

seizneix makit lij caengz cug, de couh hainduj raih hwnjbae, ndeiri lai lo!” Saehaexma cang guh rwznuk dingq mbouj nyi, ciuqyiengh mbouj dingz mbouj duenh raih hwnjbae.

Daengz seizhah lo, ndithaeng ciuq dwk daihdeih ok hoenz. Yienznaeuz ndataeng, hoeng saehaexma ciuqyiengh raih mbouj dingz, daengngoengz cungj yaek dak de sau lo, hoeng de lij genhciz dwk raih. Ngoenz ndeu, saehaexma baez yamq baez yamq raih hwnjbae, fat rumzhung lo, byajraez maenj-

humhum, ciepdauj doek fwnhung lo. Saehaexma mbouj siujsim deng laemx youq gwnz mbaw makit ndeu.

Roegfaenbyaek youh daeuj lo, riusoemj dwk doiq saehaexma naeuz: “Mwngz couh gaej caiq raih lo, saehaexma huk.” Saehaexma naeuz: “Gaenq raih daengz baenz sang lo, gou dingz roengzdauej couh beg sai doengrengz lo.” Roegfaenbyaek nyaekheiq dwk mbin deuz lo.

Couh baenzneix, mbouj rox laemx gvaq geijlai baez, saehaexma soqlaiz mbouj ndekndwi gvaq. Daengzlaeng, de raih daengz gwnzdingj gaq makit lo, makit hix cingqngamj nding baenz gwn lo, mwh de gwn gij makit diemzsub haenx seiz, ndawsim hix dwg diemz dangqmaz.

(sam nienzgaep Cau Vanjhungz)